

**Puigortunngorneq pillugu pinaveersaartitsinermik suliniuteqarnissaq kiisalu puigortunngorsimasut nunatsinni annertusiartuinnarnissaat peqqutigalugu, Naalakkersuisut pilersaarummik saqqummiinissaannik peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Olga P. Berthelsen, Inuit Ataqatigiit)

**Akissuteqaat**

(Naalakkersuisunut ilaasortaq, Agathe Fontain)

**Aappassaaneerinnineq**

Naalakkersuisut Ilaqutariinnermut Ataatsimiititaliap isumaliutissiissutaanut kingornalu isumaliutissiissummut ilassuteqaataanut qujapput.

Naalakkersuisut nuannaarutigaat Ilaqutariinnermut Ataatsimiititaliap tamarmiusup suli kissaatigimmagu innuttaasut puigortunngornermik eqqugaasut atugassarisaasa nukittorsarnissaannut anguniagaqartumik suliniuteqarnissaq aallartisarneqassasoq.

Naalakkersuisut neriutigisimavaat siunnersuutip sapinngisamik annertunerpaamik tapersersorneqarnissaa. Taamaattumik ajuusaarnarpoq Ilaqutariinnermut Ataatsimiititaliap allannguutissatut siunnersuummut ataatsimoortumik inassuteqaateqannginnera.

Naalakkersuisulli naammagisimaarpaat puigortunngortut pillugit nassuiaasiornissamut aamma puigortunngortut pilersaarusiunnissaannut paasissutissanik tunngaviusussanik suliaqarnissamut pisariaqartumik piffissaliisoqarmat. Isumaliutissiissummut ilassuteqaatip imarisai aammalu Ilaqutariinnermut Ataatsimiititaliap inassuteqaataanut tunngatillugit suliassat annertuut tunngavigalugit Naalakkersuisut inassutigissavaat Ilaqutariinnermut Ataatsimiititaliap allannguutissatut siunnersuutaata aappaa akuersaarneqassasoq.